

Redovni izvještaj dnevnih događaja i pojava

Izvještaj se odnosi na događaje u vremenskom periodu od 31.03.2025. godine od 08:00 sati do 01.04.2025. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POPLAVE-VODOSTAJI (LP- 2)

Na području općina Sanski Most i Velika Kladuša, koje su nedavno donijele odluku o proglašenju stanja prirodne nesreće usljed poplava, situacija se postepeno stabilizira.

Općina Sanski Most. Nivo vodostaja rijeke Sane je u kontinuiranom opadanju i trenutno se nalazi ispod kritičnih tačaka, što ukazuje na smanjenje opasnosti od daljnjih poplava.

Jutros u 08:00 sati vodostaj rijeke Sane iznosio je 275 cm (početak obavješćavanja je 310 cm).

Općina Velika Kladuša. Također je zabilježen pad vodostaja rijeke Kladušnice, koji je sada ispod granica koje predstavljaju početak obavješćavanja.

U ovoj općini potpuna stabilizacija stanja se očekuje do kraja ove sedmice.

Također, zabilježene su dojave građana o blažoj aktivaciji klizišta na ukupno šest lokaliteta, od kojih su tri nešto većih razmjera u naseljima Gornja Slapnica, Stabandža i Gornja Vidovska.

POŽARI (LP-3)

Grad Cazin. Vatrogasna jedinica grada Cazina imala je intervenciju na gašenju požara od 23:20 do 00:15 sati, u mjestu Stijena-Vilenjača, gdje je gorjelo putničko motorno vozilo.

Tehničke intervencije

Općina Sanski Most. Vatrogasna jedinica općine Sanski Most je imala više intervencija na ispumpavanju vode iz objekata.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi su prohodni.

Na graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se šest saobraćajnih nezgoda.

Jedno lice zadobilo je lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Zbog povećane mutnoće vode na svim izvoristima, koja su u funkciji vodosnabdijevanja grada Bihaća, kao i u općini Sanski Most, preporučuje se korisnicima da iz preventivnih razloga prokuhavaju vodu prije upotrebe za piće.

NEEKSPLODIRANA UBOJNA SREDSTVA –NUS (LP-19)

Nije bilo prijava za NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 6,4 °C.

Vodostaj rijeke Une iznosi 76 cm, (početak obavještavanja je 100 cm).

Padavine: 9,3 l/m²

U općini Sanski Most u 08:00 sati temperatura je iznosila 7 °C.

Vodostaj rijeke Sane iznosi 275 cm (početak obavještavanja je 310 cm).

Padavine: nije bilo